

अज्योतिष उपधाति प्रजा वै विश्वज्योतिरनन्तर्हितास्तत्प्रजा ऋतुभ्यो दधाति
 तस्मात्प्रजा ऋतूनेवानुप्रजायन्तः ऋतुभिर्ह्येव गर्भे सन्तः सम्पश्यन्त्यृतुभिर्जातम् ॥३१॥
 अथाषाढामुपधाति । इयं वाऽअषाढामेवैतदुपधाति तां पूर्वार्धऽउपधाति प्र-
 थमा ह्येयमसृज्यत ॥३२॥ सा यदषाढा नाम । देवाश्चासुराश्चोभये प्राजापत्या अ-
 स्पर्धन्त ते देवा एतामिष्टकामपश्यन्तषाढामिमामेव तामुपादधत तामुपधायासुरात्स-
 पत्नान्भ्रातृव्यानस्मात्सर्वस्मादसकृन्त यदसकृन्त तस्मादषाढा तथैवैतद्यजमान एता-
 मुपधाय द्विषन्तं भ्रातृव्यमस्मात्सर्वस्मात्सकृते ॥३३॥ यद्वेवाषाढामुपधाति । वा-
 ग्वाऽअषाढा वाचैव तद्देवा असुरात्सपत्नान्भ्रातृव्यानस्मात्सर्वस्मादसकृन्त तथैवै-
 तद्यजमानो वाचैव द्विषन्तं भ्रातृव्यमस्मात्सर्वस्मात्सकृते वाचमेव तद्देवा उपाद-
 धत तथैवैतद्यजमानो वाचमेवोपधत्ते ॥३४॥ सेयं वामभृत् । प्राणा वै वामं यद्वि-
 किं च प्राणीयं तत्सर्वं विभर्ति तेनेयं वामभृद्वाग्ध त्वेव वामभृत्प्राणा वै वामं
 वाचि वै प्राणेभ्योऽन्नं धीयते तस्माद्वाग्वामभृत् ॥३५॥ तज्जते सर्वे प्राणा यद-
 षाढा । तां पूर्वार्धऽउपधाति पुरस्तात्तत्प्राणान्दधाति तस्मादिमे पुरस्तात्प्राणा-
 स्तान्नान्यया यजुष्मत्येष्टकया पुरस्तात्प्रत्युपदध्यादेतस्यां चित्तौ नेत्प्राणानपि दधा-
 नीति ॥३६॥ यद्वपस्याः पञ्च पुरस्तादुपधाति । अन्नं वाऽआपोऽनपि हिता वा
 ऽअन्नेन प्राणास्तामनन्तर्हितामृतव्याभ्यामुपधात्यृतुषु तद्वाचं प्रतिष्ठापयति सेयं
 वागृतुषु प्रतिष्ठिता वदति ॥३७॥ तदाहुः । यत्प्रजा विश्वज्योतिर्वीगषाढाय क-
 स्मादन्तरेणऽर्तव्येऽउपधातीति संवत्सरो वाऽऋतव्ये संवत्सरेण तत्प्रजाभ्यो
 वाचमन्तर्दधाति तस्मात्संवत्सरवेलायां प्रजा वाचं प्रवदन्ति ॥३८॥ अषाढासि
 सहमानेति । असकृन्त ह्येतया देवा असुरात्सहस्वारातीः सहस्व पृतनायत इति
 यथैव यजुस्तथा बन्धुः सहस्रवीर्यासि सा मा जिन्वेति सर्वं वै सहस्रं सर्ववीर्या-
 सि सा मा जिन्वेत्येतत्सादयित्वा सूददोहसाधिवदति तस्योक्तो बन्धुः ॥३९॥ त-